

## Peroveta Isaiyah ana buka

### *Pariverena*

Wei bukana lamna peroveta ġaeġaena au Jerusalem i mae tana riwa 750 BC. nanarena, wavana Isaiah. Bukana iavana tonuġa:

Kapita 1-39 e ririweta da mai Assyria ai gulau ma ai sorodia vivirewapanai dam ġelaui Israel ma Judah au ririvai i vipupuni. Gulagulau Israel ma Judah i vibadei.

Kapita 40-55 lamna mai Babylon ai gulau mai Judah i vipupui ma i pupuna-naiei da au Babylon. Perovetana i vinuaubai ma i riwei da God ina naiana-melei ma lawana younq ina verei.

Kapita 56-66 lamna mai Judah i nememei au Jerusalem. Ma perovetana God ana ogatara Jerusalem ravai aubaii e bababaniei.

## 2

### *BADA ana ola*

<sup>1</sup> God ana pariverena, Judah ma Jerusalem aubaii wenanare, Isaiah - Amoz natuna i verei.

<sup>2</sup> Mara au murina,  
ola mepa tempol marina e maimairi, ina mae-nonoa.  
Ina ġetelara kaua eġa, me ola ġelaui.

Dam nununai patarai ina taini kampa da ina voepaepa.

<sup>3</sup> Dam patarai ina nei ma ina riwa,

“Ona nei, tana ġae BADA ana au ola,  
Jacob ana God ana au numa.  
 Weka ana kaua ina viararamanita  
 da au ivina tana babara.  
 Aubaina BADA Riwana au Zion da ina opu,  
 BADA ana tarawatu Jerusalem ina opu.  
<sup>4</sup> Tauna dam ġaeġae ai viġaiġaiawa ina rauetarei,  
 ma ina kovoġa.  
 Ai sod ina guda-virai da ipa uata,  
 ma ai pawasi ina guda-virai da naipi ai  
 raġaraġai kosii aubaini.  
 Dam damai eġa ina viġaiġaiawa vivira me,  
 bo ina vokaukaua, ġavia aubaina.  
<sup>5</sup> Ona nei Israel natunatui, BADA ana au ravilala au  
 ivina tana babara.”

## 5

### *BADA ana grape wapuna welana.*

<sup>1</sup> ⚭ Ona rautaniġana ma au nuavainana ana wela  
 ana ravi.  
 Au nuavainana ana grape wapuna i paewi,  
 doa au maumaurana, ola au barana.  
<sup>2</sup> I auni ma ġaima i viopuni ma i gari  
 ma grape ġorōġorovai aiaii, avavai, i paewi.  
 Violaġa numana i voai  
 ma nanare wine anigudana i bori au kira.  
 Anina ma i vipaipai da grape uena aiaii ita verei,  
 Wate grape anatapui i viġora.  
<sup>3</sup> Marina taumi Mai Jerusalem ma Mai Judah,  
 Tau ma au grape wapuna ona babinie!

---

⚡ **5:1:** Mrk 12:1

**4** Aiwai ġelauna eġa ata kaei au wapu?  
 Anatapuna a kauana-paiei!  
 A notai da grape uena aiaii ita vereu wate viviġorai  
 i vereu.

**5** Marina ana riwem,  
 wenanare ana kaei au wapu awarina.  
 Garina ana viairikarikai da ġamoġamo ina rui  
 Ma wapuna ina ġara-viravirai.  
**6** Ana voterei da modu ura gogoi ina vinelana  
 ma eġa aiai grape ina taraġadaġadari  
 bo modu ina tuparaguragui.  
 Modu ma donadona, wapuna ina puru-pai.  
 Apau ana egari da eġa kampa garewa  
 ina atuna.

**7** BADA Vivirewapana Kaukauana  
 ana grape wapuna lamna, Israel  
 ma grape ġoroġorovana ae tuġuna e rerereġi  
 lamna ana dam mai Judah,  
 I notanotai da lawana aiaina ita maeni  
 wate i 'nanai da tara i vitoini;  
 kaua jijimanina ita nelaġai  
 wate viġaiġaiawa gararai i nonori.

## 6

*BADA Isaiah i ġorei da ina viperoveta.*

**1** Madeġana gulau Uziah i 'raġe, tau Bada a inanai.  
 Tauna ana au anikiala, au aidamo telarana  
 i kiakiala ma ana gara adana tempol i vioai.

**2** Au ririvana lamna Seraph ruāġa. Tagotagogi  
 ava papei six; papena ruāġei naoi i purui, ruāġei aei  
 i purui ma ruāġei, i lavelave.

<sup>3</sup> Ma tauiava i viğoreğore vivira;  
 “Vivivirem, vivivirem, vivivirem tam BADA,  
 Vivirewapanana;  
 Dobu anatapuna am boruma i oai.”

<sup>4</sup> Ponai gugurana tempol tuatuana i gui ma bau  
 tempol i vioai.

<sup>5</sup> Ma a riwa, “Aio! A kauana-boai! Babani  
 apoapoei gamou i vimiramirai, ma rava gamoi mi-  
 ramirai au poui a mamae, wate matauei gulau,  
 Bada vivirewapanana kaukauana a inanai.”

<sup>6</sup> Ma seraph tagogi incense aniapuna au tepana  
 ai moniana i kavini ma i lavenei awariu.

<sup>7</sup> Ma ai monianei gamou i vodadani ma i riwa,  
 “Ma inanai, wei ipirim i vodadani; am apoapoe  
 vinimalana i vaitawanei ma am ġo’apoapoe  
 i notatawanei.”

<sup>8</sup> Anina ma BADA ponana a nonori i riwa i pa, “Aiai  
 ana paritawanei? Aiai aubaita ina nae?”

Ma a riwa a pa, “Tau weka. Ma paritawaneu!”

## 7

### *Imanuel ana mataira.*

<sup>10</sup> Muriae, BADA, gulau Ahaz i riwana-melei i pa,

<sup>11</sup> “BADA am God ma vibağai da mataira piripirina,  
 doa au ipu dewadewana, irairağei ai au animae bo  
 mara au tepea dewadewana, ina viatataiem.”

<sup>12</sup> Wate Ahaz i paribelei, “Tau eğä Bada  
 ana vibağai mataira aubaina. Eğä ata ġoei da Bada  
 ana raudadani.”

<sup>13</sup> Ma Isaiah i riwa i pa, “Gulau David ana epae-paia, ona rautaniğana kaua! Taumi ami orapotei rava orai o vivibadoi ma marina o ġoei da kauana tagogina ona kaeui Bada awarina bo?

<sup>14</sup> Lamna aubaina Bada ainelana mataira ina viatataiemi: Matatapu ina duama ma tevera orotona ina ġuni ma ina viwavai Immanuel.” Wei anona God tauta maiteni.

## 9

### *Awarita tevera i tupua*

<sup>1</sup> Taui i vivinu'apoapoe, ai vinuapoapoe ina kwa. Rorova dobu Zebulun ma dobu Naphtali i kwalai\* ma i vinimalamalai, wate muriai dobuna ina viboruma-kauei. Galili, jentail ai dobu, au boga Mediteranean ina vikarei da maramatanei ina nae da waira Jordan au baba ġelauna.

<sup>2</sup> Taui waguwaguvareina taubabarai  
lalaina ġaeġaena i 'nanai;

Taui gimtona taumaenina<sup>†</sup>  
awarii lalalaina i lalai.

<sup>3</sup> Tam ai dam u vimaġai  
ma ai nuaiai u viratai;  
am viturana i vinuaiae;  
me tuaruta au marana e vivinuaiai,  
me sorodia e vivinuaiai,  
maranai, ġavia purapurai i tuarui, e ġutaġutai.

<sup>6</sup> Aubaina, awarita tevera i tupua!  
Tevera orotona i vereta!  
Tauna ina vibada.

---

\* **9:1:** I pupuna-naiei au Assyria i vipanipani    † **9:2:** Iraġe paratana

Tauna ina ġorei:

Tauvinuaterena Aiaii telarana,  
God Vivirewapanana;

Amata Maemae Nonoana; Nuauba Badana.

<sup>7</sup> Ana vigulau ma ana nuauba ina tua,  
 eġa damona ita mamae.

Noina Gulau David ana au vigulau gabuna  
 ina kiala,  
 ma nuavainei ma jijimaninei ina vibada kaua;  
 Ina mae-nonoa, marina da mara au damona.

BADA VIVIVIREWAPANA KAUKAUANA  
 ana nuavainei wei anatapuna ina kaeui!

## 11

### *David ana epaia*

<sup>1</sup> Me ai tuġutuġu ita nabinabi  
 Mara e nenei maranai Jesse ana damei gulau  
 ina nei.

<sup>2</sup> Ma BADA Aruana tauna au tepana ina rauei da:  
 Nuaulaula ma aramana ġaeġaena ina verei,  
 ana oġa tara aiaina ma tepe tora ina verei, da  
 ana rava ina paina-kauei.

BADA ina aramanei ma ina vivirei.  
<sup>3</sup> Bada votelatelana, lamna ana nuaiai ġaeġaena,  
 ma eġa kaua tepana inanana bo viarautu  
 awarinei, ina kovoġimi;

<sup>4</sup> Tauna molamolakai ina rauetarana-kauei,  
 ma vivinuapoapoe au dobu aubaii ina mairi.

Ma gamona bolabolana dobu ina kovoġi,  
 ma ponanei ġo'apoapoe ravai ina viraġeni.

<sup>5</sup> Tauna kaua jijimanina ina vijiġoratei  
 ma patutu ina vitairoroei.

- <sup>6</sup> Nanare auou moduei sipu natuna maiteni  
     ina mae,  
     ma leopard gote ġaubona au ririvana  
     ina matave,  
 nanare cow ma lion natunatui ina laba-tagogi;  
     ma tevera ina viġamoġamo.
- <sup>7</sup> Bulumakau ma bear ina am tagogi,  
     natunatui ina matave tagogi,  
     ma lion gidagida ina ani me bulumakau.
- <sup>8</sup> Tevera daradarana mota ana au nibo  
     ina vikalokalo  
     Ee! Ma tevera edaedana mota aiara ana au  
     nibo, urana ina tereġairei.
- <sup>9</sup> Au Zion, au ola vivivireina eġa aiwai ina vikeroi  
     bo ina viapoapoeni.  
 Aubaina BADA aramanana  
     dibu ina vioai, me waira boga e vivioai.
- <sup>10</sup> Nai maranaina gulau vouna, Jesse ana damei,  
     ina vomairi da ina vimataira dobu au ana  
     tapuna.  
 Dam ġaeġaei anatapui ina deri ġeta awarina,  
     ana au animae boruborumanā.

## 35

### *Etanai Vivivireina*

- <sup>1</sup> Mutulua ma dobu poipoina ina vinuaiai,  
     dibu dariġaġa ina vinuaiai ma ina talai!
- <sup>2</sup> Berana ina numoi,  
     ma ina vinuaiai ma ina logologoi!  
 Inanana i vinualaulauna me Lebanon olai  
     ma ana maura me Carmel olana ma  
     Sharon wapuna.

Kampa BADA ana boruma rava ina viatataiemi,  
 BADA ana vigulau ina inanai.

<sup>3</sup> Ura vogarigarii ona vovaibagi,  
 ae tutu gwaḡagwaḡana ona vovaibagi;

<sup>4</sup> Rava rovorovoi ona riwei,  
 “Eġa ona rovo! Ona virewapano!  
 Ona inana! God ana mejina e nenei;  
 da ami ġavia ina vipupui.”

<sup>5</sup> Ma mata potapotai ina inana  
 ma taniġa potapotai ina nonora

<sup>6</sup> Gwaġagwaġai ina viauuepa me deer, ma gumgum  
 ana morelanai ina vigaragararei.

Waira au dobu dariġaġa ina wanaiwaġi,  
 ma vuvura ina raupaipairei.

<sup>7</sup> Doa paipairana ina vitopa  
 vuvura ina raupaipairei  
 au dobu dariġaġa,  
 modu ma gonu ina gogo labalababa auou  
 moduei ana au animae.

<sup>8</sup> Ma kampa etanai ġaeġaena e ġoreġorei *Etanai vivireina*, ina mae.

Etanaina lamna taui God ana babara  
 e nenaeni, taui ava aubaii,

Rava orai miramirai eġa ina babarani.

Bubuai weka eġa ina babara dadana.\*

<sup>9</sup> Eġa lion bo raviuru kampa ina babara.

Eġa ġamoġamo ġaiġaiawai kampa ina mae  
 BADA rava i vivilawania,  
 taui ava kampa ina babara.

<sup>10</sup> BADA aiavoi i gimara-melei wenanare  
 ina nememei

\* **35:8:** Bo avena da ai nota i aburu, taui eġa ina kwako.

ana welawelai ina rui au Zion  
 Nuaiai maemaena ina vikunuteiei,  
 nuaiai ma morelana ġaeġaena ina peu au tepai,  
 nuabola ma iniviara ina amoa.

## 40

*God ana rava ina vinuaubai.*

<sup>1</sup> Ami God e ririwa, “Au rava, ona vinuaubai!  
 Nuauba riwai ona riwei.”  
<sup>2</sup> Riwa egolanei mai Jerusalem ona riwei  
 ona riwei da ai vinuapoapoe marana i kwa,  
 ai ġo’apoapoe i nota-tawanei.  
 BADA ai ġo’apoapoe i vimaiei mara ruāga.

<sup>3</sup> ♦Rava e viġoreġgore;  
 “BADA ana aniniae au mutulua ona vokaukauei!  
 Etanai jijimanina ata God aubaina au mutu-  
 lua ona kaei.  
<sup>4</sup> Gwagwa ona dobo-naiei,  
 ma ola anatapui ona ġara tawatawanei  
 doana anatapuna ona vimataveni,  
 ona ġara-labogħi.  
<sup>5</sup> BADA ana boruma ina vieġai,  
 ma rava anatapui ina inanai.  
 Lamna BADA gamonei i riwa!”

<sup>9</sup> Zion, tam pariverena aiaina e garagararei.  
 Ma ġae ola ġaeġaena au tepana  
 ma ponam ġaēġaenei,  
 pariverena aiaina ma raugugulei  
 ma eġa ma rovo!  
 Taon ġaēġaei Judah au paratana ma pariverei,

---

♦ **40:3:** Mrk 1:3

“Ami God e nenei!”  
**10** Ona inana BADA God ana rewapanana  
 e nenei da ina vibadeta.  
 Ona inanai! Maiana, lamna rava i vivilawania, mait-  
 eni e nenei.  
**11**  $\diamond$  Ana rava ina ġamoi me sipu tauġamoina,  
 ana sipu natunatui au nuantuana  
 ina raparapai.  
 ma tatauvao ina ravena-kauei.

## 42

### *BADA ana taunola.*

**1**  $\diamond$  BADA i riwa,  
 “Wei au taunola, a vinei,  
 a vovaivirewapani ma a vinuaiae.  
 Aruau au orana a terei  
 ma tauna lawana aiaina, ma kaua jijimanii  
 ina neiai dobu au anatapuna.  
**2** Tauna eġa ina garara  
 bo ponana ina rata au deba.  
**3** Rava me gonu barabarana eġa ina gai,  
 bo rava me wiki tupona eġa ina boi.  
 Wate lawana aiaina ma kaua jijimanii  
 ina neiai dobu anatapui awarii da ai  
 lawana.  
**4** Eġa orana ina peu bo ina vokokokara,  
 lawana jijimanina ina terei au dobu;  
 bonabona ravai ueia nanare, e vivipaipai.”  
**6**  $\diamond$  “Tau BADA jijimaniu, a vinem ma ana vovaivire-  
 wapanim da lawana aiaina ma neiai;

---

$\diamond$  **40:11:** Ezk 34:15    $\diamond$  **42:1:** Mrk 1:11    $\diamond$  **42:6:** Isa 49:6; Act 13:47;  
 26:23

ma ana raunimavoaim ma ana gagaloem.  
 Tamei, parivainuaāgana bagibagina rava anatapui  
     au dobu maiteni ana kaeui,  
     ma vilalalaina jentail awari.  
<sup>7</sup> Ma mata-potapotai matai ma vikalai;  
 ma ravai au panipani numana;  
     nai taui gimtona maemaei ma tereopunei.”

## 49

### *BADA ana taunola*

<sup>3</sup> BADA i riweu i pa,  
     “Israel tam au taunola ma tamei au boruma  
         ana viegai.”

<sup>5</sup> Au manawa ma BADA i vineu da ana taunola;  
     da ana rava mai Israel kwakokwakoi  
         ana neiana-meleiai awarina.  
 BADA i vimaegaeāgeniu;  
     Tauna au rewapana.

<sup>6</sup> ⚫I riweu “Au Taunola,  
     Jacob ana dam ma voepana-melei ma  
         mai Israel kwakokwakoi ma neiana-meleiai;  
         lamna nola aburuna.  
 Wate nola āgaeāgena a vereverem;  
     lalalaina ma naiei jentail awarii  
         ma lawana mamae-nonoana ma naiei da dobu  
         au gia dewadewana ina āgeta.”

<sup>14</sup> Wate mai Jerusalem i riwa,  
     “BADA i netawaneta! Tauta nuanuana i vuru”  
<sup>15</sup> Ma Bada i paribelei,

---

❖ **49:6:** Isa 42:6; Act 26:23; Act 13:47

“Moina! Tatauvao natuna melamelana au ġuguna,  
 nuanuana ina vuru bo;  
 bo natuna i ġuniġunia nuanuana ina vuru  
 Mepa da alo nuanuana ina vuru,  
 wate tau, eġa nuanuau ina vuru!”  
**16** Jerusalem eġa melanai nuanuau ina vuru  
 Ona inanai! Wavami, au ura lapalapau a rurui.

## 50

### *BADA ana taunola patupatutuna.*

- 4** BADA God i viararamaniu aiwai ana latoni,  
 da ġokokokarai ma peupeui ana vovairewapani.  
 Ubaubanai patapatai e ravidagudaguiu,  
 ma taniġau a tonetonei da  
 ana rautaniġanana ma ana viararamana kaua.
- 5** BADA God aramana i vereu  
 ma eġa ata pariġaiei bo ata mae-puputei.
- 6** ⋆ Uporau a verei da i kwapu-kuae,  
 ma a voterei da mutuorou i amui.  
 Eġa naou ata govaġi maranai i vinimalamalaiu  
 ma naou i ovai.
- 7** Wate BADA God au muriu e maimairi,  
 lamna aubaina eġa ita vitepaubaubaiu.  
 A vokaukaua da ana nebelei,  
 aramanei da eġa ina vinimalamalaiu.
- 8** God au ririvau, ma ina vitaubabani aubaiu.  
 Tauna ina riwemi da tau eġa aiwai ata kauana-boai.  
 Aiai ina viwavui?  
 Tana nae tana etara  
 Au ġavia mepa, taumi ona nei?
- 9** Anina BADA tauoina e gagagaloeiu,

---

⋆ **50:6:** Mrk 14:65

Aiai ina riwei da tau a kauana-boai?  
 Taui anatapui ina gumaḡa me gara wadubona.  
 Komaḡana ina ambaubauni.

## 52

### *BADA ana vilawana e nenei*

7 I ai ḡaḡa, taupariverena a inanai olei e taḡotaḡonai.  
 Riwa Aiaina e jimejimei:

nuauba ma nuaiaii riwai  
 ma BADA ana vilawana.

Ma Zion i riwei, “Ami God e vivibada.”

8 Ona rautaniḡana! Ami tauvineneḡana  
 e vigaragararei;  
 ana morelanai e logologoi;

Taui mataiei BADA i ’nanai  
 e nenememei au Zion.

9 Jerusalem wanarikarikana,  
 ana morelanami ona wela-gogona BADA awa-  
 rina.

Tauna ana rava i vinuaubai,  
 ma ana melagai Jerusalem, i vai-melei.

10 Dobu anatapui au matai  
 ana rewapani vivivireina e vivieḡai.

Rava anatapui au dobu  
 BADA ana vilawana, ina inanai.

### *Taunola ana vinuapoapoe ma ana boruma.*

13 BADA i riwa, “Au taunola ana nola ina kauana-  
 kaei!

Rava tauna ina voepai au tepa dewadewana.

14 Au naona rava maḡamaḡai tauna i ’nanai  
 ma i virovorovoanei.

I vunu-kauei ma i vitaratarai;

da inanana ēga me rava.

<sup>15</sup> Wate marina dobu patarai ina ravigori  
ma gulagulau gamoi i pota tauna voepaepa  
aubaina.

Ēga ita pariverei,  
marina mataiei ina inanai,  
ma aiwai ēga ita nonori, ina aramanei.”

## 53

- <sup>1</sup> “Aiai wei pariverenana ita vitumāganei?  
BADA aiai awarii ana rewapani i viatataiei?”
- <sup>2</sup> God au matana, i rata me ai-nabina,  
me aiwarama au kemara e gogolana.  
Ēga ita tupua karawata bo vigulauna,  
ēga aiwaina vinualaulaunana da  
tata rauōgarei.
- <sup>3</sup> Ta inana geduaiei ma ta inana-tawanei,  
iniviara ma vinuapoapoe malana i vaia,  
ta raugovāgei,  
ta mae-puputei ma ta riwa da tauna rava labal-  
ababa.
- <sup>4</sup> Tauna, ata nuabola kovōgana i vaia  
ma ata iniviara i avarai.  
Wate ta notai da  
ana āgo’apoapoe aubaina, God i kovoḡi.
- <sup>5</sup> Ata kaua apoapoe aubaina i vitonei,  
ata āgo’apoapoe aubaina i vikeroi.  
Kovōganei, nuauba i vereta;  
kwapu keronei i vilawanita.
- <sup>6</sup> Anataputa me sipu kwakokwakona,  
ana nuaita ma ata āgoanei ta mamae;  
wate ata āgo’apoapoe kovōgana, BADA tauna  
i viavarai.

7 ✽ Au taunola i rauiviapoapeloana-kauei,  
wate i volaḡota;  
eḡa aiwai ita latoni.

I taravaina-naiei viraḡenana aubaina me sipu  
ḡaubona.

Me sipu ana genugenuanana e nenaе apara-  
bori aubaina eḡa aiwai ita latoni.

8 I pani ma i naiei  
ma eḡa aiai tauna ita vinuabolei,  
eḡa ana epaepaia ma ina iraḡe.

Ana lawana au pouna i kwa labalababa.

Ana rava oina ai ḡo'apoapoe aubaina i'raḡe.

9 Tauna eḡa morumoruna bo ḡaīgaiawana.  
Wate taui i ḡoei da danedanei maiteni  
ita doboi,  
ma purapura ravana ana au kokoağā  
i vimataveni.

10 Maranai ana lawana i puloei ata ḡo'apoapoe  
aubaina.

Lamna, BADA ana ḡoana da tauna ita vunu-boai  
ma iniviara ḡaeḡaena ita vaia.

Ma ana epaepaia ina maḡa guratana  
ma ana lawana ina manawa.

Ma taunei, BADA ana ḡoana ina kauana-paiei.

11 Ana nola anona ina inanai ma ina vinuaiaeи  
da ana nuabola eḡa kwakwavina.

Bada i riwa, “Au taunola patupatutuna a vinuaiaeи,  
rava maḡamaḡagaui ai kovoḡa i avarai  
ma lamnei taui ana ḡorei Rava-Jijimanii.

12 ✽ Ma lamna aubaina ana vimaegaeḡaeni, tauna  
rava ḡaeḡaena.

✽ 53:7: Act 8:32-33    ✽ 53:12: Mrk 15:28

Ma ana au gabu ana terei  
 rava ġaeġaei ma virewapanai maiteni  
 ma ana maia ina ġutai.  
 Aubaina ana nuaina ana lawana i verenei.  
 Tauna ora-potapotai maiteni i'raġe,  
 ma ġo'apoapoe ravai maġamaġaui aubai  
 i mairi.”

## 54

### *BADA ana nuavaina Zion aubaina.*

<sup>4</sup> Eġa ona rovo aubaina eġa ina vitepa-ubaubaimi.  
 Tepami ina tora, eġa ina vinimalamalaimi.  
 Ami laraga kauai nunuami ina vuru.  
 Ami vikaiababa nuabolana ina amoa.  
<sup>5</sup> Aubaina, taukauem lamna awam,  
 wavana BADA Vivirewapano Kaukauana.  
Israel ana God Vivivireina am taugimaramelana,  
 Tauna dobu anatapuna ai God.  
<sup>6</sup> Israel, tam me wavine tavine vovou  
 ma awam i geduaiem ma u vinuabola kaua.  
 Wate BADA ina ġore-melem awarina ma ina pa,  
<sup>7</sup> “A voterem mara aburuna,  
 wate raunuapoapoe ġaeġaenei ana vaimelem.  
<sup>8</sup> Au meji i rata kaua da a mae-puputem mara abu-  
 runa.  
 Wate au nuavaina mamae-nonoanei,  
 ana raunuapoapoelem.”

BADA taugimaramelana i riwa me,  
<sup>9</sup> ✲“Awariu, wei me Noah ana au mara,  
 maranai parivainuaġana bagibagina a kauei  
 da eġa melanai wairei dobu ana purui-melei.

---

✡ 54:9: Gen 9:8-17

Marina, nanare parivainuağana bagibaginei  
a ririwem  
da eğä melana amlou ina ġaiğai da  
ana kovoğimi.

<sup>10</sup> Ola ina vidagu  
ma ina amoia.  
Wate, au nuavaina mamae-nonoana,  
ma au nuauba mamae-nonoana tam awarimi  
ina mae-nonoa.”  
BADA tauraunu’apoapoeleme i riwa.

## 55

### *Nuarelanami ona nei BADA i riwa i pa,*

<sup>1</sup> “Ona nei, nuanuarelanami! Waira wei!  
Awarimi mane eğä ona nei ona gimara ma ona am!  
Ona nei, wine ma mereki ona gimarai  
maiana eğä, ona vaioi.

<sup>2</sup> Aiwai aubaina lam apoapoei awari mane  
e tawatawanei.  
Aiwai aubaina e nolanola labalababa.  
Ona rautaniğana kaua ma ona am-iaua,  
ma lam aiaii dagidagiaii ona vinuiaiae.

<sup>3</sup> ♦Taniğami ona toneiai ma ona nei awariu  
ona rautaniğana da ona lawana.  
Au parivainuağana mamae-nonoana ana kauei  
tam maiteni.  
Ma viaiaina David a parivainuağani ana verem.”

<sup>6</sup> “BADA ona baiei da ona nelağai,  
marina au ġereğeremi, ona vibağai.

---

♦ 55:3: Act 13:34

- 7** Ōgoa apoapoe ravai, ami lawana apoapoei  
ona geduaiei  
ma nuanuami ona virai.  
Ee! Ma ona wanavirai BADA awarina da  
ina raunu'apoapoelemei  
ma ami ġo'apoapoe ina notatawanei."
- 8** BADA i riwa, "Au nota eġa me ami nota nanare,  
ma au kaua tapuna, eġa ami kaua nanare."
- 9** Mara i ġetelara eġa me dobu  
ma nanare au kaua i ġetera eġa me ami kaua.  
Ma nanare au nota i ġetelara eġa me ami nota  
nanare.
- 10** Garewa ma turuvani marei e peupeu  
eġa kwakwavina ina naeme au mara,  
wate dobu ina viutuvanei  
da lam ina gogo,  
da pei ina vereta, paewa aubaina  
ma lam, aniam.
- 11** Ma wenanare riwau gamouei e opuopu;  
eġa kwakwavina ina nememei awariu  
da aiwai a pariparitawanei ina kauei;  
au ġoana anatapuna ina vikwai.

## 56

### *Lawana rava anatapui aubaii*

**1** BADA wei e ririwei:

"Aburuna ava, ana nei da ana vilawanimi  
ma au viaiaina ana vieġgai.

Lamna aubaina, kaua aiaii

ma jijimanii ona kaukauei.”

**6** “Mai jentail, aiai da tau i vituraneu  
ma i vitaunoleu, ma wavaau  
i vinuavainei ma i vimaegāeġaeniu.  
Au Sabate i vivirei,  
ma au parivainuaġana bagibagina e vovojijina-  
kuaeı.

**7** <sup>✧</sup>Taui ana neiai au ola vivivireina - Zion  
ma nuaiai ana verei au parinumana.  
Ma ai pulo e apuapui awariu ana vianinei.  
Anina ma rava, au tempol ina ġorei pari numana,  
dam anatapui au dobu aubaii.”

## 58

*Uji ririwa kauana.*

*BADA uji ririwa kauana e bababaniei:*

**7** “Am-irairaġei lam ona taraiġuei,  
ma ami numa ona votawanei,  
nelabalabai ma vinuapoapoe awarii.  
Kovakovai gara ona vioteni,  
ma taraoim eġa ona inana-tawanei.”

**8** “Maranaina, au viaiaina ina ravilalaimi me  
maratomtom madeġana,  
ma ami doria laġilaġina ana vilawani.

Au naomi ana nae da ami aninae ana vovajijimani,  
ma murimiei, au boruma ina gagaloemi.

**9** Nai maranaina ona viġore ma TAU BADA,  
ana paribelemi.  
Agu ona gararei ma ana riwa, ‘Tau weka.’

---

<sup>✧</sup> **56:7:** Mrk 11:17

“Ēga rava, vita ona verei, ēga ona viwavuwavu  
ma ēga babani morumorui ona kaukauei.

**10** Maranai am-irairāgei o viambagibagi,  
gokokokarai o vovoagui.

Lamnei, ami lalalaina gimtona ina lalai,  
ina ravilalai me aubenai madeğana.”

## 61

*Riwana Aiaina molamolakai aubai  
BADA ana taunola e ririwa:*

**1** “BADA God, aruana i vereu.

I vineu ma i paritawaneu da:  
Riwana Aiaina ata naiei molamolakai awari  
ma vinuanuabolai ana vinuabai.  
Ma panipani ana pariverei da deriei ina viopuni.  
**2** I paritawaneu da rava ata pariverei,  
da mara i turiai maranai BADA ana rava  
ina vilawani  
ma ana ġavia ina kovoġi.  
Ma i paritawaneu da vinuabolai ana vinuaubai.

**3** Da taui e mogumogu au ola Zion,  
nuaiai ina vikunateiei ma ēga ina vidolodolo.  
Nuiaiai logologona ma ēga tou.

Taui ina vinuaiai ma ēga ina vinuabola.  
Ai kaua jijimanina aubaina ina ġorei BADA ana  
labarava ai jijimanina  
da tauna ina vimaegħaeġaeni.”

**6** “Ma taumi ina ġoremi BADA ana pirisi.  
Ina ġoremi, God ana taunola.

Taumi dobu ġelaui ai maura ona ani  
ma ona vigulagulauei.”

*BADA i riwa*

<sup>8</sup> “Aubaina Tau, kaua aiaii a īgoeīgoei,  
danene ma īgo’apoapoe a gedugeduaiei.  
Au rava ai vinuapoapoe aubaina ana vimaiana-  
kauei;  
au parivainuaāgana bagibagina mamae-  
nonoana maiteni ana kuae.  
<sup>9</sup> Dam anatapui, am epaepaia ina aramanei  
ma e inainana īgael.”  
Ma ina pa,  
“BADA i viaiaina-kauei.”

*Zion i riwa*

<sup>10</sup> BADA awarina a vivinuaiai kaua  
ma Aruu God awarina i vinuaiai kaua.  
Aubaina vilawana garanei i vigaraiu  
Ma jijimana vianei ma garanei i voteniu.  
Me tavitavinevou orotona e vivigarai nanare bo  
me wavine tavitavinevou ana viana  
e tavitavine.  
<sup>11</sup> Me doa, pei e vivigogoi ma debagau lam  
e verevereta,  
nanare BADA God, rava e teretere-vaijijimani  
au dobu da tauna ina voepaepae.

**64***Pari agu aubaina*

<sup>4</sup> Oo Bada wariaāga da marina, īga aiai god īgelaui  
ponana ita nonori, ita inanai, bo ita aramana  
dadanei.  
Anina Tam ainelam.  
Taui da e vivipaipaiem e vovoagui.  
<sup>5</sup> Tam kaua aiaii ravai e vovoagui,  
am tarawatu e vovoijini.

Wate maranai ta ġo'apoapoe ġirīgiri  
tam amlom e voġaiġai.

Aiwai aubaina ma vilawaniai?

<sup>6</sup> Anatapuiai a ġo'apoapoe,  
Au matam, ai kaua jijimanii anatapui mirami-  
rai me gara wadubona.

Anataputa ta poipoi me ai-rugurugu,  
Ata ġo'apoapoe e kapupuana-naieta.

<sup>7</sup> Ma eġa aiai wavam ita voepaepai  
bo ita voguratei da naom ita inanai.

Lamna aubaina tam u netawanelai  
da ai ġo'apoapoei e vunuvunuiai.

<sup>8</sup> Wate BADA, tam amaiai.

Tauai dogodogo ma tam nau tauvoaina.  
Tam anatapuiai uramei u rauġaroġaroelai.

<sup>9</sup> Lamna aubaina, eġa ma meji guratana awariai.  
Ma eġa ai ġo'apoapoe ma nota-nonoei.  
Ma i 'nanaiai, anatapuiai tam natunatum.

**Wedau Mark**  
**The Gospel of Mark in the Wedau Language of Papua**  
**New Guinea**  
**Buk Mak long tokples Wedau long Niugini**

copyright © 2010 Wycliffe Bible Translators, Inc.

Language: Wedau

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2017-08-30

---

PDF generated using Haiola and XeLaTeX on 28 Dec 2024 from source files  
dated 31 Aug 2023

aa19f3e3-98fb-51fa-9c53-3906edc75f11